

I. Imaynalla?

Imaynalla?

– Allillanmi. Qanrí?

Allillanmi kashani. Imataq sutiyykiri?

– Sutiyyqa Carmenmi. Qanparí imataq?

Martinmi. Kastillanuta rimankichu?

– Rimanin, ichaqa mana allintan.

Kaychu Chinchiru?

– Arí, kaymi. Maymantan hamushanki?

Haqay llaqtamantan hamushani.

Kay ñanchu Qusquman rishan?

– Manan kaychu rin, haqaymi.

Qusquta rishankichu?

Arí, rishanin.

– Imamantaq chaytari rishanki?

Chaypi qilqay, ñawinchay estudiayta munashani runasimipi. Karuchu Qusqu?

– Manan karuchu. Maymantataq kankiri?

Karumantan kani, Chequia suyumantan.

Karupichu qanri tiyashanki?

– Manan karupichu tiyani,

kay llaqtamantan kani.

Maytataq rishankiri?

– Mayutan rishani unuman. Tupananchiskama.

Tupananchiskama. Allinllaña.

II. Imatataq ruwashankiri? Allintachu takiyta yachanki?

Allillanchu kashankichis? Allillanmi. Imatan ruwashankichis? Yachachiqta suyashaykun. Maypitaq yachachiqri kashan? Aqhata ukyashanmi. Manachu machasqa kashan? Arí, machasqa kashanmi. Llakisqa kashankichischu? Manan, kusişqan kashayku, samashayku. Manachu José papata llank'ashanchu? Manan papata llank'anchu, qhatuman rishanmi, papata apashan chayman. Pin pay kashan? Payqa Juanchan kashan. Imataq kashanri? Yachachiqmi kashan. Yachachiq kay wiraquchari kashanchu? Manan payqa yachachiqchu. Maypitaq Luisari kashan? Yachay wasipin kashan.

Chay wayna allintachu rimashan runa simita? Arí, allintan rimashan. Chay sipasrí? Payqa manan rimanchu runasimita. Pantashanmi. Imaynan takin Susana? Munaychatan takin. Pabló? Manan allinta takinchu. Mana allintan takin. Ñukch'uqa pukatan t'ikan. Imatan munashankichis? Chakratan. Imaynataq chay chakratari munashankichis? Hatuntan chakrataqa munayku. Chaypiqa sumaqtan papaqa wiñamushan.

Wawaqa rimayta qallarishan. Qharikunaqa llank'ayta tukushanku. Usqhayllachu phawayta yachanki? Manan usqhayllachu, allillamantan yachani. Tusuyta yachankichu? Manan yachanichu chaytaqa. Manan Qusquman riya yachanichu, manan ñantaqa rişsinichu. Kay warmita tapushani.

III. Maypin kashan? Maytan rishan? Imamantaqri? Maymantan hamushan?

Imamanmi irqikuna rishanku? Mikhunamanmi rishanku. Maymantaqri? Qhatumanmi. Paykunaman qulqita qushani. Imatataq kaymanri apamushanki? Llant'atan apamushani chakramanta. Imamanmi chay wawa hamushan? Hank'a saramanmi hamushan. Mayman rishan chay runa? Qusquman rishan. Kay ñanri Punumanchu rishan? Manan Punumanchu rin, Ayakuchumanmi rishan.

Imamantan ruwakun siyarú? Sayrimantan. Ch'ullurí? Millmamantan. Pikunamantan rimashankichis? Qankunamantan rimashayku. Imaynan rimashankichis? Allintan rimashayku qankunamantaqa. Maymantan hamushanki? Haqay chakramantan hamushani. May llaqtamantataq kankiri? Pawqartanpumantan kani. Maypitaq tiyashankiri? Qusqupin tiyashani. Maypin kashan Juancha? Chaypin, manachu rikushanki?

Maytan rishanki? Haqay llaqtatan rishani. Urupanpatachu kay taytari rishan? Manan Urupanpatachu rin. Kaypin qhipakushan. Pitaq chaytari rishan? Chay sipasmi. Autupichu rishanri? Manan, chakillapin; Urupanpaqa kayllapin kashan. Maytataq chay wiraquchari rishan? Punutan, haqaypi tiyashanmi. Karuchu Punu? Arí, karun. Imapitaq chaymanri rishan? Autupichu, chakillapichu? Autupin, karutan rishan. Qanrí? Ñuqaqa kayllatan rishani, chakillapin rishani.